



832778

光緒壬辰夏五

焚餘州字

愚姪楊葆光署



古今以詩傳者代不過數人詩之家著者人不  
過數篇玉象之中憫尤邈乎難得班姬漢書班姬傳漢  
史文姬之誦賜書皆卓卓可傳者於皆遭逢  
不保早失所天未嘗不心為悼之以為造物忌  
才維中憫中不遺餘力焉余拙援浣仙身  
聰慧接以經史過自輒能成誦屬文詞下  
筆立就脫稿者不下數萬言昔與兄小菡弗

一

韻仙相唱和小菡嘗謂余曰閨中有一進士  
恨不拂耳及笄適同邑黃園生儒士事姑  
以孝聞逾年子大華生甫八齡而華甥  
孤矣浣仙念茲姑在堂弱子在息養姑接  
嗣獨任其難暇即以課子為務閱數載美  
甥以園屬鍾古弟一人入泮而浣仙未幾亦  
棄世華甥服闋益勵志讀書成子之賢

書已丑通籍以知縣答分浙江不日躬膺民  
社必休謹意懿祝樹偉績以爲泉壤光榮  
則爲寸女爲節婦爲賢母浣仙如一身  
勇之空抑造物所以忌之者適所以成之  
歟知厚之一吟一詠不足爲浣仙例其概也  
余溷迹農曹事集必謂此以筆墨清者  
意以不致涉適華甥自浙省以其母道

二

訪一卷問序於余之園查浣仙之志全令  
名尤章華甥之不忘先澤也爰并數言  
於簡以誌其崖略云

光緒十有八年歲在壬辰夏有荷花  
生日武昌范德鏡

...

楚北黃鞠友大令者余己丑春闈所薦士也闈中  
得卷時見其制義精深學有根柢揭曉來謁叩其  
所學始知夙昔稟承

慈訓得

旌表節孝黃母范太夫人之教居多夫古之賢母教子

以有成者如歐母之畫荻傳書柳母之和丸助讀

類皆卓越千古今

太夫人以母兼師口授經書手批文藝卒使其子

成進士揆諸古人何多讓焉鞠友以卽用知縣籤

浣仙詩草序

一

掣澗西辛卯科分校秋闈余亦於今春之官武林  
同官一省暇時鞠友出

太夫人所遺詩草請序於余余捧而讀之喜其詩  
觸景生情如天衣之無縫而又不矜才不使氣其  
言婉而諷其音清且和深得三百篇溫柔敦厚之  
旨求之近世士大夫尙不可多得何論閨閣惜所  
存不多未窺全豹然吉光片羽留在人間已爲有  
目所共賞矣

太夫人青年守義茹荼習苦勤儉持家而奉養高

堂尤能盡孝盡禮鄉黨至今嘖嘖稱道弗衰蓋不  
僅以才見者區區吟咏特其餘事焉耳

光緒十八年孟夏之月通家侍生劉宗標頓首拜  
序

浣仙詩草序

二

報

浣仙詩草序  
光緒十八年孟夏之月通家侍生劉宗標頓首拜

浣仙詩草序  
光緒十八年孟夏之月通家侍生劉宗標頓首拜

焚餘草存題詠

東甌玉室交鼎用龍恩

吁嗟乎世間恆河沙數缺陷事安得重取媧皇之  
石補青天我今展讀黃母手著詩集若干首因之  
備悉貞操懿行心肅然黃母本出名門女嗟哉破  
鏡當青年白髮皤皤堂上春秋高代脩子職問視  
恭且虔倚膝復撫垂髫兒丸熊畫荻教養先茹荼  
寂守二十載繼起賴有後人賢迄今度江漢登臨  
松山巔樵夫與牧子嘖嘖爭道苦節堅千秋綽楔  
表其門 聖恩浩蕩沛林泉幽光無不發潛德無

題詠

不宣吾儕安所仰仰之賴是編或見性矯矯或見  
情拳拳惜乎焚棄餘窺豹未窺全傳世不貴多一  
語足抵千偉哉一語足抵千或者蒼昊旣厄其生  
前特俾貞珉梨棗永永同流傳

眞州陳彝六舟敬題

大邑拖黃綬新詩捧綠編悲涼十年事辛苦一經  
傳緬想鳴琴化應知畫荻賢善朝廷隆錫類國恩  
詔賚重泉間

東湖王定安鼎臣謹題

古云母氏賢生子必英雋豈惟陶公然史傳歷可  
證黃童本無雙失怙屬齟齬鞠育賴女宗教養肩  
獨任父書母能授父業子能振雛鳳羽毛豐慈烏  
心血罄吁嗟母云亡不逮子貴盛焚香拜墓下淚  
落不可禁母初好譔述棄藁半手定中間遭變故  
一慟付灰燼惟斯幸草存存者亦僅僅况母四德  
全不獨以才勝煌煌節與孝天語表高行但就詩  
旨論温厚得其正西崑卅六體委婉道情性君行  
宰大邑奉儀以爲政民曰侯仁慈君曰母善聖始

題詠

二

知治蒲稱多本畫荻訓從茲宏遠謨在天終錫慶

壬辰立秋後十日韓欽螺山甫拜稿

時年七十有六

玉臺新詠當楹書差幸焚餘尙有餘

菊友言焚餘草尙不止此

故改

今名苦憶篝燈勤督課書聲吟韻夜牕虛

聞道成名菱已萎賴留遺句聚瓊瑰自憐一樣宣

文訓孤負吟篇付劫灰

先母亦有詩稿遭亂失之

於今江夏有黃香甘苦青燈共母嘗封鮓丸熊皆

夙學待傳慈訓到琴堂

壬辰秋日

婁縣楊葆光古醞



使君臨瑣院校士性情真  
拭鏡驅塵翳求珠備席  
珍種花方出幸畫荻轉  
思親示我焚餘集依依  
痛鮮民

遺詩傳一卷異境自天開  
珠玉揮毫具冰霜歷劫  
來松筠完大節蘭桂奮  
英才應比栢捲重苔箋  
手記栽

甘泉殷如璋拜稿

癸巳秋浙江闡中

笄年曾看杜陵花  
林下清風出大家  
何意離鸞彈苦調  
斷腸四十八年華

題詠

三

金鑾紫石寫吳綾  
劫後殘詩感不勝  
春暖畫堂人正靜

集中詠睡燕句

解吟睡燕幾人能

絳帳宣文母是師門  
前桃李子盈枝鎖闥  
丹墨淋漓夜應憶  
當年畫荻時

羅田周錫恩伯晉未是草

昔聞江夏有黃香  
今喜同舟共一方  
爲述課書勞荻筆  
始知遺訓秉萱堂  
旌門高行輝彤管  
開篋新詩賸吉光  
更勛令名酬苦節  
顯揚何止在文章

侯官郭式昌拜草

桐音幸出劫灰殘勁節清才兩不刊讀到黃庭初  
搨處也應一字一珠看

循陔欲補白華詩珍重遺篇好護持孝子天懷才  
子筆當年畫荻有餘師

菊友兄於學無所不窺  
蓋得力於慈訓者多也

海陽甯本瑜瑄香未定稿

我昔侍遊居楚水瀟湘雲夢溯其泚時當景運  
中興年良楨親識東南美竭來幻迹如浮雲騎鶴  
仙飛樓又圯萍踪南北廿年過浮家泛宅烟波裏  
風塵趨走餘杭城吏事躬親自茲始適開恩榜

題詠

四

聖人壽分班入闈同校士文龍詩虎羅羣英天  
半飄飄散霞綺就中觥觥江夏黃惟楚有材君其  
是汪洋千頃若波濤列座英才屈一指示我阿母  
焚餘章展卷清風拂蘭芷雅歌如讀周南篇吁嗟  
恍詠麟之趾從來明德產達人報若影響昭至理  
高風亮節徵闈幃誦之不禁肅然起君不見陶母  
曾傳截髮名勳垂湘鄂疇能比又不見歐母人欽  
畫荻勞賢高宋代允堪紀瀧岡阡表今尙好爲君  
重摹寫一紙

幽大隱處夫子保山吳世欽拜稿

唔唔隔舍誦遺經杭垣聽鼓與菊友同年同寓三載家法親傳抵

過庭愧未堂隨公瑾拜一編空對夜燈青

金門策馬重回首花好重看次第開一樹花前歌

一闕似從紗幔口傳來

無雙自古說黃童楚北江南譜系同等是吟篇傳

母氏先慈亦有韻蘭稿兵燹後板燬深宵畫荻一燈紅

詠絮才華似水清茫茫造物忌聰明何堪秋夜聯

題詠

五

珠玉變作離鸞別鵠聲集末有秋夜聯句詩

口澤猶存絕妙詞與君同當蓼莪詩傷心一樣趨

庭訓不見春風得意時菊友兄入齡失怙尊慈先嚴教之成立比通籍而終天抱恨皆入年矣教之成立予亦五歲失恃

寺外秋山畫燭尋癸巳菊友偕予分校浙闈首阿場詩題為畫燭秋尋寺外山

誰好句嗣徽音遺珠滄海搜求遍猶是萱幃教育

心

幽光潛德表千秋賢母高風嬾柳歐怪底磯頭黃

昭文黃福元敬題

鴟峙清漪不斷水長流  
堂上衰姑膝下兒天生巾幗代鬚眉廿年竟克成  
夫志黃蘗青蓮苦自知  
煌煌綽楔荷旌揚贏得南宮姓字香一集焚餘  
傳兩浙官箴時若懷萱堂  
衡文兩度棘闈來辛卯癸巳菊友憶否當年畫荻  
灰我亦貞珉三世泐先會祖母狄太淑人旌表節  
節亡女珍姑旌表孝女同看史筆續蘭臺

鄉愚姪善化楊崇欽謹題

題詠

六

棘闈深鎖太無聊詞客悲秋月  
一卷滿天風露聽鈞韶

人許閨中詠絮才瑶池冰雪寸心哀  
桐似甘載星霜歷劫來  
勁節清才兩不刊斷機課子一燈寒  
遺澤合作廬陵荻筆看  
黃香孺慕繫烏私手澤摩挲憶母慈  
慧業每焚香讀爲題詩

婺源江峯青湘嵐拜稿

瑣院夜燃官燭紅，颼颼屋上鳴。秋風黃香出示焚，  
餘草闌卷使我明。雙瞳漢水發源自，蟠冢合江入  
海同流東。靈氣獨鍾不羈士，鳳兮一歌傳陸通。屈  
原嗣響豔稱絕，漢唐摹擬難追踪。人文蔚起代有  
作，進士乃出閨。礪中幼秉詩訓梓，潼宰岷江巫峽  
開心胸。明遠作兄令暉姊一家唱和聲，離離于歸  
同里江夏族。孝養逮事姑，與翁南陔無詩手。欲補  
潔修馨膳詞，能工別鵠離鸞自一調。忽聞哀徵變  
和宮，上有白髮下黃口。一死未欲輕如鴻，哀姑久

題詠

七

病侍湯藥八年一日嘗必躬楹書自課入齡子夜  
燈助讀丸和能筆硯焚棄罷吟絮廿年大節儕筠  
松子能礪志巍科拾陳書闕下求褒崇旌門綽  
楔感戚里豈唯閨秀眞女宗鏤刻遺稿不盈寸焚  
餘孤韻如焦桐有美弗傳禮經斥徵題誰識仁人  
衷愧我樛材侍列宿校餘得覩心益恭更喜示我  
尊人筆字字結體追王鍾菊友復以尊甫先生願  
手書行草一帙見示  
君裝池作合璧子孫永寶傳無窮

諛儻何士循未是草

詠絮曾推阿母才遺詩百刼不成灰丸和弱柳嘗  
熊膽花守寒梅寶鶴胎四面湖山新管領一篇風  
雨舊栽培與君聽罷霓裳曲盥誦琳瑯倦眼開  
桐城葉南金拜稿

一簾皓月夜光分薦士香同寶鼎焚詩律料應親  
口授至今回首憶慈雲

墨瀋飄零字不磨烏烏子夜尙聞歌祖龍一炬無  
完本轉累人間抱恨多

京江汪清麟拜稿

題詠

八

班史韋經分管領祇傳家法不傳詩天增一席光  
壇坫正是菱花未破時  
劍南好句看如畫梁父清詞讀未終煙水舊遊成  
漫興閒情都付刼灰中

鏡臺蛛網封塵迹兒味分嘗苦與辛生恐耽吟荒  
督課瀧岡阡表屬何人

白雲親舍重回首樹欲成陰子滿枝手澤祇今還  
記取不須束皙補亡詩

年愚姪同邑紀驥謹題

粉榆咫尺聽賢聲徐淑文詞字字清黃鵠歌殘勞  
畫荻歐陽教子竟成名

養姑課子此身肩鐵骨稜稜撐廿年潛德幽光

天語表琳瑯一卷合爭傳

後先來泛武林舟封鮓同悲願未酬讀罷焚餘詩  
一卷尙多慈訓待吟謳

髻亂劬經母卽師當年預示教忠辭捧來毛檄親  
安在誥燦金花補孝思

姻愚姪左宜之敬題

題詠

九

三百登瀛侶文彊獨少年湖山羈薄宦香火證前  
緣江夏神童譽瀧岡母教賢焚餘詩草在珍重守  
遺編

瑣院森巖地同登選佛場清譚時翦燭薦卷獨焚  
香寸草心常厪貞松節愈彰載賡彤管什字字吐  
奇芳

賦茗銘椒外斯才抗手難清貧憐鹿挽辛苦說熊  
丸幃異青綾設心知古井寒璇閨諸侍史女誠好  
同看

余亦鮮民者髫齡失恃時感君謨背意觸我棘心  
悲難得春暉報廣來白雪遲瑤函重檢讀涕泗尙  
漣洏

年愚姪鄭維翰季申氏拜稿

雅什宜登李杜壇一珠一字苦吟安焚餘詩卷須  
珍重留作當年畫荻看

歐柳風徽道路欽豈徒詩句重詞林黃童自擅無  
雙譽上慰篝燈夜課心

廿年苦節播芳徽口澤無多紀壺闈我亦少承慈

題詠

母訓願將寸草報春暉

癸巳孟冬

京江包鳳章拜稿

地道安貞竟有成奉親訓子振家聲方知茶蘖甘  
如薺翹首門庭綽楔榮

從來水木溯根源板板無私默不言爲育蒼生慈  
父母底教壽算促椿菱

一篇珍重勝栝棬手澤聊憑韻語傳陶柳歐蘇風  
範在真情至性滿吟箋

老慚桃李廁門墻

秀亭辛卯領鄉薦出菊友夫願  
子門下時秀亭五十有六矣願



奉南豐一瓣香榜後進講蒙以師母焚餘草存見示太此集有誰相屬和待聞輿頌起江鄉

癸巳冬初

小門生邵秀亭敬題

瓊院借來惠我瑤編端容拜觀是離鸞吟輟八焚著述丸熊課暇追憶叢殘賦物清華言情婉約巾幗詞宗古所難承先澤早顯揚志遂雲路鵬搏

之江萍聚同官喜沉澧於今有芷蘭羨翹材羅致頻操月斧神君譽起待展風翰作宰官身秉慈母訓回首青燈淚未乾輝家乘願貞珉寶泐累葉常

題詠

十一

完

右調壽星明

甲午承乏監試菊友亦與分校之役暇時以尊慈詩稿

見示謹倚調奉題

申江劉至喜拜稿

武昌縣志列女傳

增生黃孚敬妻范氏名徽字浣仙同邑前四川梓潼縣知縣范陳鯉女知書有賢聲年二十九孚敬卒痛絕而復甦曰親老子幼我責重非不能死恐一死如鴻毛輕耳家貧恃鍼帶養衰姑姑病氣行止維艱氏左右扶持湯藥必躬嘗如是者八年姑歿喪葬咸盡禮焉生平著作不下數萬言及遭大故焚棄殆盡其存者浣仙詩草一卷耳卒年四十有八光緒六年奉旨旌表

旨旌表節孝子一大華己丑進士浙江卽用知縣

對焚棄殆盡其存者浣仙詩草一卷耳卒年四十有八光緒六年奉旨旌表節孝子一大華己丑進士浙江卽用知縣

浣仙詩草

范薇浣仙著

題保康官署梅

丙午年時年十四

白玉堂前一樹梅  
暗香浮動暖風催  
不知別後花多少  
驛使相過問幾回

登舟偶題

風催堤柳露春光  
芳草萋萋翠黛長  
借問浣紗何處是  
舟人指點碧溪旁

春水船如天上坐

浣仙詩草

萬頃桃花浪接天  
木蘭舟上坐神仙  
今番可傲乘槎客  
幾度揚帆碧落前

黃鶴樓

黃鶴樓高遠接天  
呂仙修鍊幾經年  
眼前有景知難道  
崔顥題詩壓謫仙

仙棗亭

仙棗亭中起紫霞  
相傳俱道棗如瓜  
不知何處遺仙種  
留得芳名過客誇

客中夜話

漫道家書抵萬金歸家共慰別離心燈前談罷他  
鄉景對月偏聯謝女吟

七夕

蛛絲滿盒證今宵女伴穿針月下邀牛女相逢惟  
此夕不知烏鵲可填橋

春雨

丁未年

怪底紛紛雨偏當此暮春臙脂花染徧翠黛草初  
勻織柳鶯聲啞泥燕語噀展停挑菜女簫寂賣  
餉人白瀉田間水紅消陌上塵倘教開霽色氣象

浣仙詩草

二

一番新

牡丹二首

富貴春三月名花憶洛陽衙官卑眾卉寵命拜東  
皇藥使風前態桃妃雨後妝清平調誰進亭上宴  
君王廿四番風到祥開富貴花數叢凝絳雪一捻  
點紅霞曲曲朱欄護重重錦幃遮雅宜開夜宴詩  
酒樂無涯

桃花

三月桃初放丰姿儘可誇數枝紅帶雨一樹絳凝

花漁父舟應返天台路漫遮曾聞生露井映水愈  
增霞

春閨卽景用雨絲風片煙波畫船爲句首以

溪西雜齊啼爲韻脚

戊申年

雨餘草色映清溪絲裊垂楊拂檻西風動猩簾驚  
睡燕片時蝶夢惱鳴雞煙迷綺閣妝初整波漲陂  
塘綠正齊畫出攜柑圖一幅船來池畔聽鶯啼

余偶閱紅樓夢傳奇見黛玉之癡湘雲之憨  
爲之失笑遂選其尤者詠得數首非敢云

浣仙詩草

三

詩聊以供一時消遣耳

己酉年

上院承恩侍紫宸才充鳳藻翠華春鏘鏘環珮歸  
盜夜遍幸芳園對玉輪

元春

不偶由來有宿緣侯門弱質正堪憐悠悠三載埋

香後淒絕菱洲感應篇

迎春

看破紅塵斷俗根臺前明鏡本無塵淒涼正是黃  
昏後櫳翠菴中月作鄰

惜春

曾從幻景染情癡冰雪聰明蕙姿吟到葬花詩

一首傷心無限有誰知

黛玉

清才敏捷合輸卿卽景吟成費品評芍藥亂飛人  
醉臥滿身紅雨態輕盈

湘雲

豔比名花別具神溫柔淑德已無倫瀟湘何事嬌  
癡甚金玉良緣自有因

寶釵

花作姿容玉作膚階前小立倩人扶閨中畫出須  
留意一幅尋梅踏雪圖

寶琴

息嬌

庚戌年

兒女成行淚暗彈故宮回首夕陽殘楚王任有干  
金賞祇買桃花笑曲闌

流仙詩草

四

西施

館娃宮裏侍吳王帶笑斜欹白玉牀伍相不忘傾  
國恨潮聲十萬擁錢塘

虞姬

氣短英雄楚帳中淒涼歌舞美人風烏江一別千  
秋恨化作名花色未空

飛燕

溫柔鄉裏倍魂銷掌上輕盈舞細腰姊妹承恩胎  
禍水漢家火德竟全消

明妃

琵琶一曲枉含悲  
漢月依依馬上隨  
能使芳名傳異域  
畫工畢竟助蛾眉

商婦

蘆花瑟瑟怨秋風  
手抱琵琶一曲工  
不遇江州白司馬  
傷心徒自泣顏紅

雨夜雜吟

東風飄暮雨  
淅瀝滿清池  
電閃芙蓉鏡  
光浮玳瑁巵  
數峯迷樹色  
萬頃積蘭陂  
淡蕩三宵迥  
迢遙一

浣仙詩草

五

雁馳小窗燈影射  
半榻絳綃欹  
玉漏聲將徹  
瑤函手自披  
狂吟嫌夜短  
捲繡訝更遲  
索茗雖鬢倦  
倦眠阿母慈  
隔牆誰弄笛  
擊鉢已成詩  
宛轉珠喉

踟躕舞袖垂  
時競渡作劇  
層樓雲黯黯  
孤塚草離離  
大姊

歸鄂城夏氏埋玉多年  
木筆初開日  
金錢暗卜時

雨夜觸思不勝傷感  
文章留舊價  
楊柳唱新詞  
點額龍門返

抵鄂省  
家叔紫函鶴生  
癡心鶴子期  
鶴生叔徵蘭鼠鬚頻

飲墨鴻爪試敲棋  
整髮釵防墜  
描花譜欲窺  
奪標盧事雅詠絮  
謝才奇薄霧穿羅帳  
微雲透綺帷  
遊

人添逸興羈客動歸思轉盼新晴放高歌擬拾遺  
宮中夜景

博得君王寵羊車去又來金爐香篆裊玉闕漏聲  
催春色桃腮妬秋波柳眼開霓裳歌一曲明月上  
宮槐

墨鏡美人

深宵長伴讀書帷半面風流鏡裏窺底是含情偏  
不語銀燈斜射影相隨

採梅

浣仙詩草

六

瘦影梅花共更闌夢亦香尋檐頻踏雪拂檻訝鋪  
霜玉笛催曾落銅瓶凍已僵小鬟渾解事偷學壽  
陽妝

菊 辛亥年

金風玉露暗相催幾日園林次第開一片迷離鋪  
小徑數枝淺淡映蒼苔香闌卻許佳人賞老圃偏  
宜處士栽怪底此花清白甚臨秋總不染塵埃

秋夜卽景

桂子當窗影暗浮花開金粟又經秋白雲天際飛



新雁紅蓼叢中泛野鷗幾處寒砧敲夜月誰家翠  
袖倚高樓香閨燈燄重簾透侍女殷勤挂玉鈎

賀鶴生叔三十初度

文修五鳳共爭看絕妙詞高李杜壇瓊席芳樽傾  
菊酒芸窗新句託瑤函覓裳記否當年奏柳汁應  
教隔歲彈轉瞬曲江花似錦春風得意徧長安

韻仙姊將歸漢陽因集唐人句以贈之

無端和淚拭臙脂張泌 燭暗香殘坐不辭陸龜蒙 別

恨轉深何處寫李端 此情惟有落花知南唐李璟

浣仙詩草

七

卻話巴山夜雨時李商隱 水晶簾外轉透池宋之問 庭

前芍藥妖無格劉禹錫 恐爲多情管別離唐唐彥謙

夜坐懷韻仙姊集唐人句

遲日園林悲昔遊杜審言 可堪分袂又經秋張泌 數

行玉扎存心久皮日休 午夜清泉帶雨流崔珣 小院

迴廊春寂寂杜甫 水紋珍簟思悠悠李益 晚來悵

望君知否白居易 簾下三重幕一鉤韓偓

閩中雜詠和陽湖諸女史壬子年

折得閒階數朵芳深閨豔助鏡中妝雲鬢低彈金

鈿重雪腕高擎玉指涼髻影半欹花氣襲奩波斜  
映粉痕香綠窗簪就無雙品應減姮娥夜月光

對鏡

簪花

半捲湘簾篆裊煙雕欄偶倚夕陽天桃花水漲紅  
侵袖荷葉風飄翠疊錢雙鯉爭啣香餌墜一竿斜  
挂綵絲牽池塘浪靜清如許對影嬋娟倍覺妍

倚欄

垂釣

刻漏遲遲倍寂寥紗窗靜閉影蕭蕭一簾細雨人  
難寐半壁疎燈手自挑蕉葉滴殘詩思淡杏花飄

浣仙詩草

八

落夢魂銷鑪香煙裊春寒重倦向粧臺卸翠翹

剪燭

聽雨

滿地桐陰欲暮時晶簾半捲燕歸遲珊珊瘦骨春  
衫薄寂寂空梁日影移倚檻累人頻伫望唧泥何  
處任差池烏衣巷口風光好莫待黃昏月上墀

捲簾

待燕

偶拈玉人來三字贈別韻仙姊

小廊瀟灑絕塵埃花影橫窗映綠苔寶鼎香殘煙  
尚裊捲簾靜候玉人來

燈前索句費徘徊筆墨閑空愧少才吟得詩成蓮  
漏轉拈毫錄待玉人來

陽關一曲盡堪哀愁上雙眉展不開今日蘭閨分  
袂去何時再見玉人來

梅影

雪滿瑤階夜色闌半窗涼月態珊珊乍窺素影憐  
人瘦待惜芳魂恐漏殘風動蘆簾敲玉碎雲橫紙  
帳逼燈寒迷離一片渾難定鶴憩枝頭夢不安

梅夢

浣仙詩草

九

夜氣蕭疎萬籟空玉堂記否景朦朧魂銷紙帳香  
應碎春滿羅浮路自通扶醉半欹修竹外偎寒斜  
倚月明中笛聲斷續偏驚起花落簷前憶漢宮

睡燕

日午花關倦欲回紅樓望去費疑猜便從徑外銜  
香返穩憩梁間待夢來春暖畫堂人正靜風過雕  
檻錦成堆簾鉤斜挂眠方熟不管芹泥落翠苔

睡蝶

亂紅深處戀芬芳枝上遶遶夢正長詎畏流鶯啼

遠樹祇驚午漏滴花房雲環錦帳眠方穩風促金  
鈴響不妨一任南園春似海香魂飛繞黑甜鄉

春曉偶成

癸丑年

薄寒天氣起常遲新柳含煙翠欲垂怪底杏花深  
巷賣小樓昨夜雨如絲

病起口占

避風鎮日掩窗紗怕聽梁間燕語譁病裏經旬懶  
未倚閒階開遍鳳仙花

秋夜懷韻仙姊

浣仙詩草

十

丹桂庭前香暗凝畫欄倚遍月初升閨中料已添  
鄉思雁字魚書寄未曾

次韻同小函兄奉和方四丈二首

深閨鎮日掩重門詠絮才疎愧謝媛兵燹無端驚  
曉夢風霜猶是荷天恩半庭積雪人無思三徑  
雲來鳥自言託庇幸逢高士里桃源仙境眼前存  
培園日暖錦成堆慣使遊人不忍回竹韻搖風添  
酒興松濤聽雨健詩才門前柳拂淵明宅笛裏梅  
飄李白臺一曲陽春到閨閣盃薇讀罷和將來

感懷

花信時催杏雨寒鏡湖移避暫盤桓雪鴻遠寄吳  
山阻風鶴頻驚漢水殘小醜未平勞 聖慮大兵  
何日解征鞍連宵愁思難消遣倦理金針倦倚闌  
題胡穉筭秋雨梧桐便面  
梧桐秋雨晚涼天翠袖低垂倍可憐院宇深沈人  
正靜含情無語倚闌邊

留別小函大兄二首

乙卯年

十年曾入弄詞場領得清芬瓣瓣香柳絮一聯誇

浣仙詩草

十一

謝女桃源幾度誤劉郎

流離三載  
避地弗良

隨肩步去輕衫

薄信手拈來弱線長愧我深閨無妙句筆花開不  
到書床夢裏尋親記不清無端懷緒亂心驚憑分  
雁序三秋隔偶盼鴻書幾字明  
于歸三月  
始接家書數載共  
牽辛苦恨來朝又說別離情挂帆一去何時會重  
聽窗前誦讀聲

四時吟

添香煮茗掩朱扉滿院濃陰芳草肥何處一雙新  
燕子銜泥時傍杏花飛

護花鈴寂畫樓東荷蓋香飄水殿風乍起茜紗窗  
六扇聲聲蟬噪夕陽中

蕭條梧葉已成秋雁字橫空過小樓慵捲水晶簾  
半幅任他明月上銀鉤

寶奩慵啟亂盤鴉閒坐爐邊學煮茶柳絮翻飛盈  
玉砌嚴寒逼放水仙花

秋夜聯句

清宵人語靜圓生把酒數更籌燈閃風穿幙浣仙

窗開月滿樓雙鴛寒惱夢圓生一雁暗驚秋寶鼎

浣仙詩草

三

香難盡浣仙簾垂不上鉤圓生

秋日卽景和圓生作

寂寂深閨罩絳紗盈庭芳草綠堪誇雲光織就天  
孫錦秋色催開帝女花玉笛聲隨風斷續金鈴響  
微影橫斜無端幾日廉纖雨寒逼征人泣暮笳

不肖 入齡失怙飲食教誨惟 母是賴 母

善讀過目輒不忘工詩文生平所作不下數  
萬言同治初 先君圓生公謝世 母悉取

以投諸火曰命蹇如此未必非造物有以忌

之也 母素耐勞日間支持家政暇則爲 不

肖 講解經義入夜手一編於燈下觀之漏三

下尙不就寢庚辰夏忽謂 不肖 曰吾年未五

十近來精神恍惚不知何故舊稿焚棄殆盡

惟近體詩數十首尙能記憶盍鈔存之 不肖

三

執筆侍側 母口誦而 不肖 手錄之得六十

一首命 不肖 藏之曰他日見此如見吾也 不

肖 驚其言之不祥以吉語解之豈知是秋竟

抱終天之憾彌留之際猶以顯親揚名爲 不

肖 勗及 不肖 通籍而 母已棄養十年矣罔

極之恩圖報無日舊稿敬以付梓亦謂手澤

猶存讀之如聞警欬爾壬辰春 不肖 男大華

謹誌

焚餘草存

范薇浣仙著

翔鶴樓賦

歲在申月次辰其日上巳其時暮春予乃泛舟於  
鄮水之濱主人指其名勝而告曰有翔鶴樓焉曩  
者咸通之季羽士洞賓丹成跨鶴翔集來頻千百  
載後靈唱仙眞舞鳳而草書獨古乘鸞而箕筆如  
神蓋徐大夫爲之創其始而汪明府爲之更其新  
也懿夫左馬窟右滄浪筑水濱其足宛洛緣其陽

焚餘草存

一

因爽塏而定址順原隰以開場建三層之華屋抗  
百尺之宏梁齊並華嶽覆壓荆襄蓋雖淵雲之妙  
墨終難寫其氣象之堂皇是故橫被南郡遠扼三  
秦往來遊俠流寓騷人託生涯於天末寄身世於  
經營莫不飛羽觴而醉月開瓊牖以吹笙載酒續  
登高之賦憑欄抒望遠之情況吾子閒情鶴逸雅  
致雲流情岳千霄而朗耀心波湛月以清悠旣含  
華而佩實復蘊藻而探幽曷弗一覽其梗概消除  
萬古之閒愁予曰唯唯顧吾身於羈旅懼惆悵之



多迷願吾子以前路將把袂而相期於是歷通幽  
之曲徑躡籐錦之芳隄踐莓苔之幽砌拂楊柳之  
柔荑傍閒階以宛轉緣曲榭以東西園雖小而成  
趣樓未啟而設梯薜蘿則中間夾路桃李則下自  
成蹊則見林依叢木地接荒祠曲房左界丹臺右  
隨東序嬈娟以窈窕西廂幽邃以迷離三間四表  
九隅八維繪龍蛇於皓壁燦蟲鳥於豐碑而斯樓  
屹然特起令人目眩心移杳不知其何之由是啟  
金屏而入室排丹戶以躋堂俯仰顧盼疏密有章

焚餘草存

二

列五紋之彝鼎陳七寶之華床入座則屏圍翡翠  
留香而簾掛琳瑯更有雲煙飄渺林壑龍玲託之  
尺幅是謂丹青牙籤燦爛墨瀋紛如載以瑤箋是  
謂圖書上則藻井輝映桂殿軒昂飛梁虹指浮柱  
雲翔然此特樓中之景象猶未及夫樓外之風光  
也爰乃肆開朱牖洞啟瓊軒下則廓開九市環立  
千門賈人鱗集車馬雲屯廠芙蓉之別苑列金谷  
之芳園聚三都之貨殖雜五方之語言陳明珠於  
夜市達聲歌於薇垣況乃冠蓋來往士女盤桓旅

客有山陽之王粲高人有漢代之劉安吳姬越豔  
北轍南冠莫不珠聯璧合偕環集以言歡則有澄  
波下映流水中央長隄十里畫舫千航蕩子以黃  
金作楫名姬以白玉爲檣風雨送千帆之影笙簫  
流曲水之觴漁歌起兮白鷺飛寒露降兮紫苕長  
挹清暉於江上送晚景於斜陽層巒翠聳遠樹青  
縈遙岑寂而鶴唳懸巖應而猿鳴雨後挹千峯之  
色雲中飛瀑布之聲綺戶共青螺一點華棖與碧  
嶂同清又有麥隴風和園林氣爽村落之雞犬相

焚餘草存

三

聞原野之桑麻競長茶棚則活火遙連酒店則青  
帘直上軼黛色於三尖映紅崖於百丈其遠矚也  
則太嶽隱天習地漱石峴山羊祜之碑大樹龐公  
之宅其近觀也則固封夕照廣節樵歌月映杪羅  
之樹雲迷獨草之波又況化洽風清光昭日表任  
烈女之奇節猶存婁元儒之高風未杳登斯樓也  
有不發思古之幽衷懷當年之遺迹變理想蕭相  
之經綸霖雨頌歐陽之愷澤也哉於是僕本羈人  
相思悄然計中原之多故實於茲而十年望黃樓

而不見隔峴首之危巔思請纓於壯歲慕投筆於  
昔賢心皇皇而若結意杳杳其若懸若此雕蟲技  
小刻鳳才偏何足以寫茲樓之壯麗而狀其高騫  
也哉爰爲之辭曰維傑構之曩屬兮實顯敞而寡  
儔挾漢水之洪波兮攬鄴陽之名流抗華簷於天  
半兮倒危影於中洲鑿凌雲之桂柱兮掛明月之  
長鈎捲牕前之綺幔兮捫天上之斗牛撫雕楹以  
遠眺兮浸紅日於晶毳汲咸池之勺水兮洗俗濁  
之山邱截扶桑之析木兮造十二之瓊樓友八公  
而嘯傲兮揖五老以遨遊瀝天膏以爲酒兮搗元  
玉以爲饑願閻浮之泯缺陷兮銷劍戟而爲鋤耰  
庶齊驂乎呂老兮跨雲鶴以自由顧巍巍之永峙  
兮歷億載與千秋

擬黃叔度碑文

布衣而光青史綺歲而屈老成是皆有以提名教  
之綱延斯道之脈故其生也歎其不可無一其逝  
也悲其不能有二東漢之季世衰道微或以詞章  
自詡或以氣節相凌故崖岸不羣之士則有之若

夫咀嚅道味砥礪闇修浮躁者見而歛之爲沈潛  
驕矜者見而導之爲謙抑雖以郭林宗袁閎諸公  
之賢猶有可議而獨以是推公則公之爲人豈非  
闢名教係斯道不可磨滅者乎公諱憲字叔度汝  
南慎陽人也其父事岐黃多隱德嘗不欲人知故  
人亦莫能道公稟嶽瀆之精英含圭璋之溫潤仁  
孝性成聰明天授故時有顏子之稱公初舉孝廉  
繼辟公府嘗有友人勸公就仕公亦不拒後至京  
師不合而歸先是公年十四潁川荀淑見而異之

焚餘草存

五

奉爲師表而且度量宏深規模廣大同郡戴良才  
稱公瞻之在前忽焉在後郭林宗謂爲澄之不清  
淆之不濁謂非襟懷與秋月齊明氣宇共春雲並  
茂者歟先公在汝南陳蕃嘗語周舉曰時月之間  
不見黃生鄙吝復萌及蕃後至三公嘗歎曰叔度  
若在吾不敢先佩印綬何令人欽慕一至如此延  
平之季奄宦竊柄一時與遊之士多羅於黨錮惟  
公超然高舉燭幾於先早鴻冥以遠翥其來駟也  
蓋因訪友人王逸故有是役焉吾獨怪公懷才抱

奇使其軒轍乘時噓其太和翔洽宇宙當有溢於  
政績者卽不然公而天假之年炳垂著述以示來  
茲使千秋萬世後讀其書想見其爲人而因以興  
起豈不懿哉公享年四十有八以延平二年抱疾  
而終道阻且長留葬卒所嗟乎長江東去感逝水  
之難回白日西沈哀清暉之莫挽用是泐於貞珉  
聊抒私淑之忱特樹溫恭之範其辭曰於戲徵君  
維德之純深沈淵穆蹈義懷仁學尊孔孟譽噪髫  
齡延平以降大道就湮賴公卓立光被簡筠胡天  
夫以敦先生之風山虛水深

焚餘草存

六

咸豐庚申 舅氏奉潤芝中丞檄司權襄陽郵  
寄二題命圓生擬作適圓生病瘡未能握管因  
不揣固陋摭拾成文代夫子以應 親命庚申  
穀雨前一日浣仙自記

前刻近體詩數十首乃 先母庚辰夏所口授者其餘著作焚棄無遺甲午需次杭垣夏日曝書於庭忽從敝篋中檢得一冊裏以舊紙紙面有草書自記數語字蹟雖漸就糢餽尚可辨認冊中楷書類歐紙亦完好是 先母手澤也嗚呼 兒不見 母十五年於茲矣回憶易簣時執 兒手而戒曰勿求非分勿許人私窮則勵志詩書達則留心民事能如是吾目瞑矣 兒今雖一官沈滯終不敢違 母

焚餘草存

七

訓以傷 母心自 母謝世徧求手蹟迄無所獲不意十數年後於無意中得之殆蒼蒼者不忍聽其湮沒耶抑 母之靈將有以教 兒耶謹錄一通附刻集後眞蹟什襲藏之每晨夕捧讀不第日侍 母側云光緒甲午天貺日 不肖男 大華謹誌

